

# H A R A N G V E F A I C T E A V R O Y

A L'OVVERTVRE DE  
ses Estats generaux, en la ville  
de Paris, pour le tiers Estat,  
le 27. Octobre 1614.

*Par Messire ROBERT MYRON, Conseiller  
du Roy en ses Conseils d'Estat & Privé, Presi-  
dent aux Requestes de la Cour de Parlement de  
Paris, & Preuost des Marchands de ladiète  
Ville, President dudiët tiers Estat.*



EN LA BOVTIQUE DE NIVELLE.  
Chez SEBASTIEN CRAMOISY, rue S.  
Iaques, aux Cigognes.

---

M. DC. XV.

*Aucc Privilege du Roy.*

CASE

F

39

.326

1615 mi

THE NEWBERRY  
LIBRARY



HARANGVE FAICTE  
 AV ROY A L'OVERTURE DE  
 ses Estats generaux, en la ville  
 de Paris, pour le tiers Estat,  
 le 27. Octobre 1614.

*Par Messire Robert Myron, Conseiller du Roy  
 en ses Conseils d'Estat & Privé, President  
 aux Requestes de la Cour de Parlement de  
 Paris, & Preuost des Marchands de ladicte  
 Ville, President dudiect tiers Estat.*



IRE,

Puis qu'il a pleu  
 à Dieu porter le  
 cœur de vostre  
 Majesté à la con-  
 vocation de ses Estats generaux,  
 qu'elle a commandé estre assem-

A ij

blez en celieu, & que ceste assemblée d'Estats, n'est autre chose qu'une conference paternelle, paisible, douce & amiable, du Roy avec ses subiects, laquelle ne tend qu'à la reformation des desordres qui se sont glissez en toutes professions: Nous devons à vostre exemple, avant toutes choses esleuer nos cœurs à Dieu, à ce qu'il inspire en nos ames, des desirs esloignez de toutes passions; & qu'entierement portez à sa gloire, au service & fidelité due à vostre Majesté, au bien & soulagement de vostre peuple, nous embrassions sincerement les moyens qui nous peuvēt conduire à ce but, & remercions tres-humblement vostre Majesté, de ce qu'elle daigne donner les premieres actions de sa majorité à ce bon œuvre, que de s'encliner à entendre



les plaintes & doléances de ses subiects, & porter les mains innocentes, à redresser les fautes qu'elle n'a point faictes, ains nous mesmes, par le trop d'ayse où nous nous sommes veuz plonger, par l'abondance & delices causez d'une profonde & longue paix, pendant l'heureux regne de HENRY LE GRAND, continué par la bonté & sage conduite de la Roynes pendant sa Regence: de sorte que comme insensés & ennemis de nous mesmes, courant à nostre propre ruine, auons tiré nostre mal-heur des mesmes choses qui deuoient operer & affermir de tout poinct nostre bon-heur. Mais qui croira ce Paradoxe, trop veritable neantmoins, que les vertus ayent engendré les vices, & que l'excez de la bonté, facilité & clemence de vos

Majestez , ayt causé par impunité l'audace , l'impunité & l'impieté , & à leur fuitte vne infinité de maux , vne contrauention publique à toutes ordonnances diuines & humaines, & en fin vn deuoyement general de toutes reigles , en tous les ordres & professions de ce Royaume.

Nous sommes icy assemblez, SIRE, pour receuoir le remede de vostre Majesté, ce remede est demandé par tous, aussi sommes nous tous obligez d'y porter la main, puis qu'il depend aucunement de nous mesmes. Vous nous commandez, SIRE, d'en faire la recherche de nostre part, & nous promettez d'y contribuer de la vostre. Ceste parole nous donne toute esperance que l'effect s'en en-

fuyura auffi heureux , qu'en ce cō-  
 mencement vous auez pris l'exem-  
 ple du Roy S. Louys vostre grand  
 ayeul , lequel enuiron l'an 1227.  
 approchant de vostre aage tint au  
 semblable fes Estats à Paris , avec  
 l'assistance de ceste grande & ver-  
 tueuse Princeffe la Royne Blanche  
 sa mere, & par ce moyen pourueut  
 aux affaires de son Royaume , en  
 telle sorte que sa maison fut tous-  
 iours depuis vn seminaire de ver-  
 tus , & son regne couronné d'une  
 fin tres-heureuse. Ainsi vostre Ma-  
 jesté avoulu par ceste action solem-  
 nelle , rendre à sa bonne ville de  
 Paris , la prerogatiue qu'elle meri-  
 toit bien , avec plusieurs autres  
 priuileges dont elle & ses predeces-  
 seurs l'ont decoree par dessus les  
 autres villes du Royaume, comme  
 se tenāt attachee à son Prince, d'v-

ne plus particuliere affection: Aussi  
esperons nous que vostre Majesté  
ayant esté portee par le bon aduis  
de la Roynes à ceste saincte entre-  
prise à l'exemple du mesme Sainct  
Louys, pour la gloire & honneur  
de Dieu, & le bien de vos subiects,  
que vostre regne sera comblé de  
tout bon-heur. Les bons & salu-  
raires conseils de la Roynes ne vous  
defaudront pas, puis qu'ils n'ont  
iamais manqué à la France, pen-  
dant le cours de sa Regence tres-  
heureuse, où elle a comme fixé le  
calme au milieu de nous, qui som-  
mes tenus, SIRE, luy en rendre  
vn tres-humble remerciement, &  
encore dauantage pour auoir d'vn  
soin plus que maternel, si chere-  
ment conserué vostre Majesté pen-  
dant sa plus tedre ieunesse, & con-  
duit à ce Throsne & liect de iustice,

en



en vostre Parlement, où tous vos  
 subie&ts loüent Dieu, de ce que vo-  
 stre Majesté preuenant leurs sou-  
 haitz, a declaré, inspirée d'en haut,  
 qu'elle entendoit que la Royne sa  
 mere continuast à gouverner &  
 commander dans le Royaume, la  
 preuue & experiéce du passé faisant  
 assez cognoistre à toute la Fran-  
 ce combien ses bons aduis & sages  
 conseils auoient esté vtils, & estoïent  
 encores necessaire. Et pource le  
 Tiers estat, MADAME, a recours à  
 vostre intercession enuers le Roy,  
 à ce qu'il plaise à sa Majesté ietter  
 ses yeux fauorables sur son pauvre  
 peuple, afin qu'il reçoie de ceste  
 assemblee d'Estats, le soulagement  
 qu'il en espere. Et nous protestons,  
 SIRE, au nom du mesme tiers  
 Estat, de seconder syncerement  
 vos intentions, & rendre entiere

obeissance aux commandemens  
qu'il vous a pleu nous faire à l'ou-  
verture de vos Estats, tesmoignans  
en paroles & en effect que nous  
sommes & serons à iamais , vos  
tres-humbles, tres-fidelles & tres-  
obeissans seruiteurs & subiects.

*Extrait du Priuilege du Roy.*

**P**Ar grace & priuilege du Roy, il est permis à SEBASTIEN CRAMOISY, Marchand Libraire luré en l'Vniuersité de Paris : d'imprimer ou faire imprimer, & mettre en vente, la Harangue faicte au Roy, à l'ouuerture de ses Estats generaux, en la ville de Paris pour le tiers Estat, le 27. Octobre 1614. Par Mefire ROBERT MYRON, Conseiller du Roy en ses Conseils d'Estat & priué, &c. Faisant tres-expresses defenses à tous Libraires & Imprimeurs, ou autres de quelque qualité ou condition qu'ils soient, d'imprimer ou faire imprimer ladicte Harangue &c. la vendre, faire vendre, debiter, ny distribuer par tout le Royaume de France, sous pretexte de quelque addition, changement, ou autre forme de desguisement qu'on y pourroit apporter, durât le temps & espace de six ans entiers & accomplis, sur peine aux contreuenans de mil liures d'amende, & de confiscation des exemplaires, & de tous despens, dommages & interests, comme il est plus amplement déclaréés lettres de priuilege, donnees à Paris le 16. Mars 1615.

*Signé, Par le Roy en son Conseil.*

LE FEBVRE.











